

SPORTSKI SAVEZ GRADA MOSTARA
SKUPŠTINA

Na osnovu člana 18.stav(1) tačka 1) Zakona o udruženjima i fondacijama („Službene novine Federacije Bosne i Hercegovine“ broj:45/02) te članova 31. i 69. Statuta Sportskog saveza Grada Mostara Broj:237/06 od 18.07.2006. godine, Skupština Sportskog saveza Grada Mostara, na sjednici održanoj dana 08.10.2014.godine, donosi

STATUTARNU ODLUKU
o izmjenama i dopunama Statuta Sportskog saveza Grada Mostara

Član 1.

U Statutu Sportskog saveza Grada Mostara broj:237/06 od 18.07.2006. godine član 2. mijenja se i glasi:

„Član 2.

Sportski savez Grada Mostara je Savez udruženja sportskih organizacija, udruženja i klubova koji su registrovani i djeluju na području Grada Mostara .

Savez je krovna organizacija sporta od posebnog značaja za podsticanje, promociju i brigu o sportu i tjelesnoj kulturi na području Grada Mostara.

Odlukom Gradskog vijeća Grada Mostara br.01-02-26/07 od 19.02.2007.godine, Sportski savez Grada Mostara je Udruženje od posebnog javnog interesa za Grad Mostar.“

Član 2.

U Statutu član 13. mijenja se i glasi:

„Član 13.

Članom Saveza može postati svaka pravna osoba koja obavlja sportsku djelatnost u skladu sa članom 4. Zakona o sportu HNK/Ž (Sl.novine HNK br.6/06) i koja ima sjedište u gradu Mostaru.

Članovi Saveza mogu biti i druge pravne osobe čija je djelatnost značajna za sport i u vezi sa sportom, a koje djeluju na području grada Mostara.

Članovi Saveza samostalna su autonomna pravna lica s pravnom osobnošću i određenim pravima, obavezama i odgovornostima u radu Saveza.

Savez vodi registar svojih članova, a oblik i sadržaj registra propisuje Upravni odbor Saveza.“

Član 3.

U Statutu član 14. mijenja se i glasi:

„Član 14.

„Članovi Saveza mogu biti punopravni, pridruženi i privremeni.

Punopravni članovi Saveza su sportski klubovi učlanjeni u državne granske saveze koji su punopravni članovi OK BiH , kao i sportski klubovi iz sportova čiji državni granski savezi nisu punopravni članovi OK BiH, a nalaze se u redovnom sistemu takmičenja BiH.

Pridruženi članovi Saveza su sportski klubovi iz sportova čiji državni granski savezi nisu punopravni članovi OK BiH , nemaju državne granske saveze ili se ne nalaze u redovnom sistemu takmičenja, kao i druga udruženja i ustanove iz sastava sporta i masovne fizičke kulture.

Privremeni članovi Saveza su novo osnovana udruženja koja Skupština Saveza može privremeno primiti u članstvo na rok od dvije (2) godine. U tom roku će Savez pratiti djelovanje podnositelja zahtjeva za prijem u članstvo i nakon toga u slučaju da nije donesena odluka o stalnom prijemu u članstvo Saveza, privremeni prijem automatski gubi valjanost. Pravilnikom o prijemu, pravima i obavezama novih članova Saveza, koji donosi Skupština, reguliše se način na koji Savez donosi odluku o promjeni statusa iz privremenog u punopravno ili pridruženo članstvo u Savezu.“

Član 4.

U Statutu član 15. mijenja se i glasi:

„Član 15.

Molbi za učlanjenje u Savez potrebno je priložiti :

- odluku o učlanjenju u Savez,
- kopiju svog statuta,
- kopiju rješenja nadležnog tijela o upisu u Registar udruženja i dokaz o upisu u Registar sportskih djelatnosti,
- osnovne podatke o strukturi i aktivnosti, uz uslov da ostvarenjem svojih ukupnih aktivnosti pridonosi razvitku, ugledu i afirmaciji sporta u cjelini,
- podatke o osobama ovlaštenim za zastupanje i predstavljanje,
- dokaz o osiguranom sportskom objektu te sredstvima i uslovima za početak obavljanja svoje djelatnosti,
- izjavu o prihvaćanju Statuta Saveza i njime utvrđenih zajedničkih ciljeva i djelatnosti,
- kopiju rješenja o registraciji kluba u pripadajućem nacionalnom sportskom savezu.“

Član 5.

U Statutu se iza člana 15. dodaju se novi članovi 15a.; 15b.; i 15c. koji glase:

„Član 15a.

Odluku o udruživanju u Savez nadležno tijelo podnositelja molbe donosi na način predviđen njegovim općim aktom.

Statut i drugi opći akti članova udruženih u Savez moraju biti u skladu sa zakonom i ovim Statutom.

O primanju u privremeno članstvo Saveza odlučuje Upravni odbor na osnovu Pravilnika o prijemu, pravima i obavezama novih članova Saveza.

Odluku o brisanju iz članstva donosi Skupština Saveza na prijedlog Upravnog odbora.“

„Član 15b.

Skupština donosi odluku o promjeni statusa iz privremenog u punopravno ili pridruženo članstvo u Savezu nakon isteka roka od dvije (2) godine, a na osnovu prijedloga Upravnog odbora potkrijepljenog pisanim mišljenjem Saveza kojem privremeni član pripada i drugih relevantnih sportskih udruženja i tijela.

Rok u trajanju od 2 godine počinje teći od dana privremenog prijema u Savez od strane Upravnog odbora.“

„Član 15c.

Punopravna članica Saveza u opravdanim okolnostima može zatražiti status mirovanja članstva u trajanju od jedne takmičarske sezone.

U slučaju da se nakon isteka tog roka članica ponovo ne uključi u sistem takmičenja, gubi status punopravnog člana i dobija status pridruženog člana.

Član 6.

U Statutu član 18. mijenja se i glasi:

„Član 18.

Pridruženi i privremeni članovi Saveza imaju prava, obaveze i odgovornosti utvrđene članom 16. i 17. ovog Statuta osim prava odlučivanja u Skupštini i prava na finansiranje programskih aktivnosti.”

Član 7.

U Statutu član 20. mijenja se i glasi:

„ Član 20.

Članstvo u Savezu prestaje:

- na vlastiti zahtjev,
- zabranom rada,
- prestankom postojanja ili djelovanja udruženog člana,
- brisanjem iz registra nadležnog organa ili iz registra granskog saveza BiH /FBiH, odlukom Skupštine Saveza o isključenju zbog nepridržavanja odredbi ovog Statuta i drugih općih akata Saveza, čime šteti interesima Saveza i narušava njegov ugled.“

Član 8.

U Statutu član 29. mijenja se i glasi:

„Član 29.

Skupština Saveza je najviši organ upravljanja Saveza.

Skupštinu Saveza (u daljem tekstu : Skupština) sačinjavaju :

- dva predstavnika koje imenuje Gradska uprava Grada Mostara;
- po jedan predstavnik iz reda sportskih radnika Univerziteta i Sveučilišta u Mostaru;
- po jedan predstavnik svakog kluba sa statusom punopravnog člana Saveza;
- po dva predstavnika osnovnih i srednjih škola Grada Mostara.

Svaki predstavnik mora imati ovjerenu punomoć, odnosno odluku iz sportske organizacije – koju zastupa.“

U radu Skupštine , bez prava odlučivanja , mogu prisustvovati i predstavnici i drugih pravnih lica sa kojima Savez ostvaruje suradnju i predstavnici državnih organa .

Član 9.

U Statutu član 30. mijenja se i glasi:

„Član 30.

Skupština Saveza može biti redovna ili vanredna.

Redovna skupština se sastaje jednom godišnje.

Vanrednu Skupštinu saziva Upravni odbor na zahtjev najmanje 1/3 članova Skupštine ili predsjednika Upravnog odbora ukoliko nije moguće održati sjednicu Upravnog odbora Saveza.

U slučaju da se takav zahtjev pojavi, Skupština mora biti održana u roku od 30 dana od dana prijema zahtjeva koji mora biti pismeno obrazložen.

Vanredna Skupština može odlučivati samo o pitanjima zbog kojih je sazvana, a odluke imaju istu važnost kao i odluke redovne Skupštine.

Predsjednik Skupštine rukovodi radom Skupštine, i njegov je mandat 4 (četiri) godine sa pravom ponovnog izbora.“

Član 10.

U Statutu član 37. mijenja se i glasi:

„Član 37.

Upravni odbor je kolektivno izvršno tijelo Saveza i za svoj rad odgovoran je Skupštini Saveza. Upravni odbor sačinjava 14 (četnaest) članova, uključujući i predsjednika.

U Upravni odbor Saveza biraju se predstavnici iz svakog pojedinog granskog sporta zastupljenog u savezu i to : iz nogometa 1 (jedan) predstavnik; futsala 1 (jedan) predstavnik; iz rukometa 1 (jedan) predstavnik; odbojka i sjedeća odbojka 1 (jedan) predstavnik; iz košarke 1 (jedan) predstavnik; iz borilačkih sportova 1 (jedan) predstavnik; iz tenisa i stonog tenisa 1 (jedan) predstavnik; iz sportova na vodi 1 (jedan) predstavnik; iz šahovskih i tavl klubova, te sportova s kuglom (kuglanje, boćanje, bowling) 1 (jedan) predstavnik; iz ostalih klubova punopravnih članica 1 (jedan) predstavnik koji zastupa i interese pridruženih članica Saveza, te 1 (jedan) predstavnik ispred osnovnih i 1 (jedan) predstavnik ispred srednjih škola Grada Mostara.

Gradska uprava Grada Mostara imenuje u Upravni odbor svoja dva predstavnika.

Mandat članova Upravnog odbora je 4 (četiri) godine sa pravom ponovnog izbora.

Ukoliko radi ostavke, neopravdana tri izostanka ili nekog drugog razloga, mjesto člana Upravnog odbora bude upražnjeno, izuzimajući Predsjednika, Upravni odbor će kooptirati zamjenu iz granskog sporta iz kojeg je član delegiran, a ista će biti potvrđena ili odbačena na prvoj sjednici Skupštine.

Prilikom izbora članova Upravnog odbora mora se voditi računa o nacionalnoj zastupljenosti.“

Član 11.

U Statutu član 44. mijenja se i glasi:

„Član 44.

Predsjednika Upravnog odbora bira Skupština Saveza.

Mandat predsjednika Upravnog odbora Saveza je 4 (četiri) godine sa pravom ponovnog izbora.

Predsjednik se bira javnim glasanjem na osnovu prijedloga punopravnih članica Saveza, za koji je saglasnost dao nadležni odjel Gradske uprave Grada Mostara.

Prijedlog o opozivu predsjednika provodi se na način kojim se predlaže njegov izbor.“

Član 12.

U Statutu član 47. mijenja se i glasi:

„Član 47.

Nadzorni odbor je nadležan za praćenje zakonitosti rada Saveza.

Nadzorni odbor ima predsjednika i dva člana iz reda stručnih osoba za finansije i pravo.

Dva člana Nadzornog odbora bira Skupština na prijedlog Upravnog odbora

Jednog člana Nadzornog odbora predlaže Gradska uprava Grada Mostara i obavezujući je za Skupštinu.

Članovi Nadzornog odbora ne mogu biti članovi Upravnog odbora ili Suda časti, niti imati bilo koju funkciju unutar Saveza.

Mandat članova Nadzornog odbora traje četiri (4) godine sa pravom ponovnog izbora.“

Član 13.

U Statutu član 56. mijenja se i glasi:

„Član 56.

Nacionalna struktura zaposlenih uključujući i Generalnog sekretara/tajnika mora odgovarati nacionalnoj strukturi Grada Mostara.

Pri imenovanju na rukovodne funkcije Saveza, Predjednika Upravnog odbora i Generalnog sekretara, mora se voditi računa o različitoj nacionalnoj zastupljenosti.“

Član 14.

U Statutu član 73. mijenja se i glasi:

„Član 73

Ovaj Statut stupa na snagu danom donošenja, a objavljuje se na web stranici Saveza.“

Broj:01/1- 376/14
Mostar, 08.10.2014.god

Predsjednik Skupštine
Sportskog saveza Grada Mostara

Prof.dr. Vojo Višekruna